



IL MAS-CHALCH DA SENT

Publicaziuns officialas. Cumpara seguond bsögn.

2003/2005

no. 16

7554 Sent, 20 schner 2004 /rz

Radunanza Sent Turissem

La radunanza da Sent Turissem ha lö in **marcurdi, 28 schner 2004**, a las 20.30 h in sala cumünala.

Tractandas: 1. Preventiv 2004
2. Varia

Amiaivelmaing invida

Il comitè da Sent Turissem



Radunanza generala da la società da gimnastas Sent

La radunanza ha lö in **gövgia, 29 schner 2004 a las 20.00** a l'hotel Rezia

Tractandas:

1. Bivgnaint
2. Protocol
3. Rapports annuals
4. Rendaquint e rapport da las revisuras
5. Fixar la contribuziun annuala
6. Program da l'on
7. Mutaziuns
8. Varia

La contribuziun annuala pel on 2004 importa fr. 50.-- e vain inchaschada a la radunanza generala.

Nouvas commembras sun fich bainvissas!

Amiaivelmaing invida per la società da gimnastas Sent

la presidenta Seraina Valentin

Fabrichar tenor ils bsögns dals impeditis

A partir dals 1. schner 2004 vegnan introdüttas las novas ledschas federalas in connex cul fabrichar tenor ils bsögns dals impeditis. Suot la pagina d'internet www.bauberatungsstelle.ch vain infuormà in detagl sur da quista materia.

La cumischiun da fabrica

Tagl: Crap da Fallun

L'administraziun forestala surdà la seguainta lavur:

Tagl vi Crap da Fallun, costa da la vart schnestra. Tagliar e chatschar giò sün via ca. 250 m³.

Cumanzamaint: lündeschdi als 26 schner 2004

Annunzchas sun da dar aint fin venderdi als 23 schner 2004 sün büro cumünal (uras da büro).

Rumir naiv tras privats

Il cussagl cumünal tira adimaint chi saja admiss da rumir be la naiv da las vampoortas aint in via e quai be avant cha'l cumün ha fingià rumi!
Il cussagl giavüscha da's tegner vi da quista decisiun.

Vaschella in chasa cumünala

Pro la controlla da la vaschella in chasa cumünala "Misoch" s'haja constattà chi mancan duos tests! Sch'inchün ha invlidà da tils dar inavò o sa novas da quists tests, dess el far il bain e manar tals inavò in chasa cumünala.

Administraziun cumünala

Plan da scoula per l'on 2003/2004 (Schulferien)

Temp da scoula:			Temp da vacanzas:				
6 schner	2004 -	1. marz	2004	2 marz	2004 -	8 marz	2004
9 marz	2004 -	28 avrigl	2004	29 avrigl	2004 -	14 mai	2004
17 mai	2004 -	25 gün	2004	28 gün	2004 -	13 avuost	2004

Cumanzamaint dal nouv on da scoula: 16 avuost 2004

Venderdi, 21 mai 2004 **nun es ün di liber da scoula!**

Da vender

2 parcelas:
Plan 1085 – Bügl da Crusch 6'101 m2 (298'962 P)
Plan 1280 – Praschentsch 3'574 m2 (34'294 P)
Da preferenza vender las 2 parcelas scha pussibel insembel.
Offertas sun da drizzar a

dna. Erica Clalüna-Valentin, Sent

Da vender garaschas

Tscherchè da vender a partir da subit plüas plazzas da parcar aint in üna garascha suotterana.
Infuormaziuns plü detagliadas da il nommer da telefon 079 610 41 51

Jachen Dorta

Cusir svesa üna tas-cha da badliners sintetics "Freitag"

Cura: 3 jadas in gövgia da las 20.00 – 22.00 a partir
dals 4 marz 2004

Cuosts: frs. 50.-- + material

Infuormaziuns detagliadas ed annunzchas da il nommer da tel. 081 864 83 51.

Nesa Hugentobler

Alarm da prova dals 4 favrer 2004 a las 13.30 (Comunicaziun da pressa)

Sco minch'on precis al listess temp ha lö marcurdi, 4 favrer 2004, da las 13.30 ün alarm da prouva in tuot la Svizra.

Pro l'alarm da prouva vegna examinà scha las sirenas funcziunan. Cun quellas vain la populaziun alarmada in ün cas dad ün privel innatschand. Il signal „alarm general“ vain dat d'ün tun tierlond regular chi crescha e chala e chi düra ca. üna minuta.

L'uffizi da militar e da protecziun civila giavüscha d'incleger las inconvenienzas colliadas culla controlla da las sirenas.

Uffizi per la protecziun civila